

漢魏六朝百三家集


宋

鮑參軍

第五十三冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

453-56



通泰興利

鮑參軍集

PL

2494

H38

1879

V.53-56

鮑叅軍集題詞

鮑明遠才秀人微史不立傳服官年
月考論鮮據差可憑者虞散騎奉勅
一序耳明遠松栢篇自敘危病中讀
傳休奕集見長逝辭惻然酸懷草豐
人滅憂生良深後掌臨海書記竟死

亂兵謝康樂云天枉兼常其斯人乎
臨川好文明遠自恥燕雀貢詩言志
文帝矜才又自貶下就之相時投主
善用其長非禰正平楊德祖流也集
中文章實無鄙言累句不知當時何
以相加江文通遭逢梁武年華望暮

不敢以文陵主意同明遠而蒙譏才
盡史臣無表而出之者沈休文竊笑
後人矣鮑文最有名者蕪城賦河清
頌及登大雷書南齊文學傳所謂發
唱驚挺操調險急雕藻淫艷傾炫心
魂殆指是耶詩篇創絕樂府五言李

杜之高曾也顏延年與康樂齊名私
問優劣於明遠誠心折之士顧才何
如耳甯論官閥哉

婁東張溥題

鮑參軍集目錄

卷之一

賦

遊思賦

觀漏賦

有序

傷逝賦

蕪城賦

芙蓉賦

園葵賦

舞鶴賦

野鵝賦

有序

尺蠖賦

飛蛾賦

表疏

爲柳令讓驃騎表

謝秣陵令表

解褐謝侍郎表

謝解禁止表

皇孫誕育上表

征北世子誕育上表

拜侍郎上疏

侍郎報滿辭閣疏

轉常侍上疏

謝隨恩被原疏

啓

論國制啓

謝上除啓

謝賜藥啓

謝求安令解禁止啓

通世子自解啓

重與世子啓

請假啓

又

奉始興王白紵舞曲啓

書

登大雷岸與妹書

頌

河清頌

佛影頌

銘

凌煙樓銘

石帆銘

飛白書勢銘

藥奩銘

文

瓜步山揭文

卷之二

樂府

採桑

代蒿里行

代挽歌

代東門行

代放歌行

代陳思王京洛篇

代門有軍馬客行

代權歌行

代白頭吟

代東武吟

代別鶴操

代出自薊北門行

代陸平原君子有所思行

代悲哉行

代陳思王白馬篇

代昇天行

松柏篇

并序

代苦熱行

代朗月行

代堂上歌行

代結客少年塲行

扶風歌

代少年時至衰老行

代陽春登荆山行

代貧賤苦愁行

代邊居行

代邽街行

蕭史曲

王昭君

吳歌三首

採菱歌七首

幽蘭五首

中興歌十首

代白紵舞歌詞四首

代白紵曲二首

代鳴鴈行

擬行路難十八首

梅花落

代淮南王

代雉朝飛

代北風涼行

代空城雀

代夜坐吟

代春日行

詩

侍宴覆舟山二首

從拜陵登京峴

蒜山被始興王命作

登廬山

登廬山望石門

從登香爐峯

從庾中郎遊園山石室

登翻車峴

登黃鶴磯

登雲陽九里埭

自礪山東望震澤

三日遊南苑

贈故人馬子喬六首

答客

和王丞

日落望江贈荀丞

秋日示休上人

答休上人

吳興黃浦亭庾中郎別

與伍侍郎別

送別王宣城

送從弟道秀別

贈傅都曹別

和傅大農與僚故別

送盛侍郎餞候亭

與荀中書別

從過舊宮

從臨海王上荆初發新渚

還都道中三首

上潯陽還都道中

還都至三山望石頭城

還都口號

行京口至竹里

登後渚

岐陽守風

發長松遇雪

詠史

蜀四賢詠

擬古八首

紹古辭七首

學古

古辭

擬青青陵上柏

學劉公幹體五首

擬阮公夜中不能寐

學陶彭澤體

數詩

建除詩

白雲

臨川王服竟還田里

行藥至城東橋

園中秋散

觀圃人藝植

遇銅山掘黃精

見賣玉器者

并序

懷遠人

夢歸鄉

春羈

歲暮悲

在江陵歎年傷老

夜聽妓二首

翫月城西門廨中

喜雨

苦雨

詠白雪

三日

詠秋

秋夕

秋夜二首

和王護軍秋夕

和王義興七夕

冬至

冬日

望水

望孤石

山行見孤桐

詠雙燕二首

酒後

講易

可愛

夜聽聲

咏老

春咏

字謎三首

贈顧墨曹

聯句

在荊州與張使君李居士聯句

與謝尚書莊三連句

月下登樓連句

附錄

本傳

鮑參軍集目錄終

鮑參軍集

目錄

上

魚老宜集

魚老宜集

魚老宜集

魚老宜集

鮑參軍集卷之一

宋東海鮑照著

明太倉張溥閣

賦

遊思賦

雲徑兮海衝，上潮兮送風。秋水兮駕浦，涼煙兮
冒虹。暮氣起兮遠岸，黑陽精滅兮天際。紅波茫
茫兮無底，山森森兮萬重。平隰兮亘岸，通川兮
瀉壑。仰盡兮天經，俯窮兮地絡。望波際兮曇曇，

眺雲間兮灼灼乃江南之斷山信海上之飛鶴
指煙霞而問鄉窺林嶼而訪泊撫身事而識苦
念親愛而知樂苦與樂其何言悼人生之長役
捨堂宇之密親坐江潭而爲客對蒹葭之遂黃
視零露之方白鴻晨驚以響湍泉夜下而鳴石
結中洲之雲蘿託綿思於遙夕瞻荆吳之遠山
望邯鄲之長陌塞風馳兮邊草飛胡沙起兮鴈
揚翮雖燕越之異心在禽鳥而同戚悵收情而
拭淚遣繁悲而自抑此日中其幾時彼月滿而

將蝕生無患於不老奚引憂以自逼物因節以
卷舒道與運而升息賤賣卜以當壚隱我耕而
子織誠愛秦王之奇勇不願絕筋而稱力已矣
哉使豫章生而可知夫何異乎叢棘

觀漏賦

有序

客有觀於漏者退而歎曰夫及遠者箭也而定
遠非箭之功爲生者我也而制生非我之情故
自箭而爲心不可憑者絃因生以觀我不可恃
者年憑其不可恃故以悲哉況乎沉華密遠輕

波潛耗而感神嬰慮者、又自外而傷壽、以是思
生、生亦勤矣、乃爲賦云、

佩流歎於馳年、纓華思於奔月、結蘭若以望楚、
弄參差以歌越、撫凝肌於遷滯、鑑雕容於髣髴、
景有墜而易昏、憂無方而難歇、厯玫階而升隩、
訪金壺之盈闕、觀騰波之吞寫、視驚箭之登沒、
箭旣沒而復登、波長瀉而弗歸、注沉穴而海漏、
射懸塗而電飛、瑾戶牖而知天、掩雲霧而測暉、
創百齡於織隱、積千里於空微、彼崢嶸而行溢、

此冉冉而逾衰，撫寸心而未改。指分光而永違，昔傷矢之奔禽。聞虛弦之顛仆，徒嬰刃而知懼。豈潛機之能覺，惟生經之霍靡。亦悲長而懽促，恒證古而秉心。抱空意其如玉，波沉沉而東注。日滔滔而西屬，落繁馨於纖草。殞豐華於喬木，對身離而後歌。據窮蹊而方哭，雖接薪之更傳。甯絕明之還續，貫古今而并念。信寡易而多難，時不留乎激矢。生乃急於走丸，旣河源之莫壅。又吹波而助瀾，神怵迫而多慮。心軋輾而歎歡。

望天涯而伫念，擢雄劍而長歎。嗟生民之永迷，
躬與後而皆恤。死零落而無二，生差池之非一。
理幽分於化前，筭冥定於天秩。與艾骨而招病，
猶剗腸而興疾。情殊用而俱盡，事離方而同失。
聊弭志以高歌，順煙雨而沉逸。於是隨秋鴻而
汎渚，逐春鷺而登梁。進賦詩而展念，退陳酒以
排傷。物不可以兩大，時無得而雙昌。薰晚華而
後落，槿早秀而前亡。姑屏憂以愉思，樂茲情於
寸光。從江河之紆直，委天地之圓方。漏盈兮漏

虛長無絕兮芬芳

傷逝賦

晨登南山望美中阿露團秋槿風卷寒蘿悽愴
傷心悲如之何盡若窮煙離若剪絃如影滅地
猶星殞天棄華宇於明世閉金局於下泉永山
河以自畢耿千齡而弗旋思一言於向時邈衆
代於古年逝稍遠而變體浸幽明而改時覽篇
迹之如旦婉遺意而在茲忽若謂其不然自惆
悵而驚疑循堂廡而下降歷幃戶而升基服委

襟而褫帶。噐蒙管而韜絲。志存業而遺績。身先
物而長辭。豈重歡而可覲。追前感之無期。寒往
暑來而不窮。哀極樂反而有終。燧已遷而禮革。
月既逾而慶通。心微微而就遠。跡離離而絕容。
白日藹而回陰。閨綰寂而深重。冀憑靈於前物。
伫美目乎房櫳。徒望思於永久。邈歸來其何從。
結單心於暮條。掩行淚於晨風。念沉悼而誰劇。
獨嬰衰於逝躬。草忌霜而逼秋。人惡老而逼衰。
誠衰耄之可忌。或甘願而志違。彼一息之短景。

乃累恨之長暉尋平生之好醜成黃塵之是非
將滅耶而尚在何有去而無歸惟桃李之零落
生有促而非天觀龜鶴之千祀年能富而情少
反靈質於二塗亂感悅於雙抱日月飄而不留
命倏忽而誰保譬明隙之在梁如風露之停草
髮迎憂而送華貌先悴而收藻其甘苦其幾人
曾無得而偕老拂埃琴而抽思啓陳書而遐討
自古來而有之夫何怨乎天道

蕪城賦

瀾也平原南馳蒼梧漲海北走紫塞鴈門極以
漕渠軸以崑岡重江復關之奧西會五達之莊
當昔全盛之時車挂轄人駕肩壓閉撲地歌吹
沸天孳貨鹽田鏹利銅山才力雄富士馬精妍
故能侈秦法佚周令剗崇墉剗濬洫圖修世以
休命是以板築雉堞之殷井幹烽櫓之勤格高
五嶽袤廣三墳崕若斷岸矗似長雲製磁石以
禦衝糊頽壤以飛文觀基扃之固護將萬祀而
一君出入三代五百餘載竟瓜剖而豆分澤蔡

依井荒葛冒途壇羅虺蜮階闕麝鼯木魅山鬼
野鼠城狐風嗥雨嘯昏見晨趨饑鷹厲吻寒鴟
嚇雛伏競藏虎乳血餐膚崩榛塞路崢嶸古道
白楊早落塞草前衰稜稜霜氣款款風威孤蓬
自振驚沙坐飛灌莽杳而無際叢薄紛其相依
通池旣已夷峻隅又已頽直視千里外唯見起
黃埃凝思寂聽心傷已摧若夫藻扃黼帳歌堂
舞閣之基璇淵碧樹弋林釣渚之館吳蔡齊秦
之聲魚龍爵馬之玩皆薰歇燼滅光沈響絕東

都妙姬南國麗人蕙心紈質玉貌絳唇莫不埋
魂幽石委骨窮塵豈憶同輦之愉樂離宮之苦
辛哉天道如何吞恨者多抽琴命操爲蕪城之
歌歌曰邊風起兮城上寒井徑滅兮邱隴殘千
齡兮萬代共盡兮何言

芙蓉賦

感衣裳於楚賦詠憂思於陳詩訪群英之艷絕
標高名於澤芝會春陂乎夕張擧芙蓉而水嬉
抽我衿之桂蘭點子吻之瑜辭選群芳之徽號

抱茲性之清芬，稟若華之驚絕。

單、蔭、陽、之、妙、手、測、流、池、之、光、潔、爍、彤、輝、之、明、媚、
粲、雕、霞、之、繁、悅、顧、椒、邱、而、非、偶、豈、園、桃、而、能、埒、
彪、炳、以、蒨、藻、翠、景、而、紅、波、青、房、兮、規、接、紫、的、兮、
圓、羅、樹、妖、嬈、之、弱、幹、散、菡、萏、之、輕、荷、上、星、光、而、
倒、景、下、龍、鱗、而、隱、波、戲、錦、鱗、而、夕、映、曜、繡、羽、以、
晨、過、結、游、童、之、湘、吹、起、榜、妾、之、江、歌、備、日、月、之、
溫、麗、非、盛、明、而、謂、何、若、乃、當、融、風、之、暄、盪、承、暑、
雨、之、平、渥、被、瑤、塘、之、周、流、繞、金、渠、之、屈、曲、排、積、

霧而揚芬、鏡洞泉而含綠、葉折水以爲珠、條集
露而成玉、潤蓬山之瓊膏、輝葱河之銀燭、冠五
華於仙草、超四照於靈木、雜眾姿於開卷、閱羣
貌於昏明、無長袖之容止、信不笑之空城、森紫
葉以上擢、紛湘蘂而不傾、根雖割而琯徹、柯旣
解而絲縈、感盛衰之可懷、質始終而常清、故其
爲芳也、綢繆其爲媚也、奔發對枚、則色殊、比蘭
則香越、汎明彩於宵波、飛澄華於曉月、陋荆姬
之朱顏、笑夏女之光髮、恨狎世而貽賤、徒愛存

而賞沒，雖凌羣以擅竒，終從歲而零歇。

園葵賦

風煖凌開，土昌泉動，游塵曝日，鳴雉依隴，主人
拂黃冠，拭藜杖，布蔬種，平圻壤，通畔修直，膏畝
夷敞，白莖紫蒂，豚耳鴨掌，溝東陌西，行三畦兩
旣區，乃露乃映，勾萌欲伸，藂牙將放，爾乃
晨夕陰霏，雲四委，沉雷遠震，飛雨輕灑，徐未
及曉，疾而不靡，柔苧爰秀，剛甲以解，稚葉萍布，
弱陰競抽，萋萋翼翼，沃沃油油，下葳蕤而被逕，

上參差而覆疇承朝陽之麗景得傾柯之所投
仕非魯相有不拔之利賓非二仲無逸馬之憂
顧堇荼而莫偶豈蘋藻之薦羞若乃鄰老談稼
女嫗歸桑拂此葦席炊彼稃梁甃壺援醢曲瓢
卷漿乃羹乃瀹堆鼎盈筐甘旨蒨脆柔滑芬芳
消淋逐水潤胃調腸於是旣飫徹盤投筯回小
人之腹爲君子之慮近觀物運遠訪師聖聲數
後彰律理前定烏非黔黑鶴豈浴淨彼圓行而
方止固得之於天性伊冬簞而夏裘無雙功而

並盛盪然任心樂道安命春風夕來秋日晨映
獨酌南軒擁琴孤聽篇章間作以歌以詠魚深
沉而鳥高飛孰知美色之爲正

舞鶴賦

散幽經以驗物偉胎化之仙禽鍾浮曠之藻質
抱清迥之明心指蓬壺而飜翰望崑閬而揚音
匝日域以迴驚窮天步而高尋踐神區其旣遠
積靈祀而方多精含丹而星耀頂凝紫而煙華
引圓吭之纖婉頓修趾之洪嫵疊霜毛而弄影

振玉羽而臨霞，朝戲於芝田，夕飲乎瑤池，厭江海而游澤，掩雲羅而見羈。去帝鄉之岑寂，歸人寰之喧卑。歲崢嶸而催暮，心惆悵而哀離。於是窮陰殺節，急景凋年。涼沙振野，箕風動天。嚴嚴苦霧，皎皎悲泉。冰塞長河，雪滿群山。旣而霧昏夜歇，景物澄廓。星翻漢迴，曉月將落。感寒雞之早晨，憐霜鴈之違漠。臨驚風之蕭條，對流光之照灼。唳清響於丹墀，舞飛容於金閣。始連軒以鳳踰，終宛轉而龍躍。躑躅徘徊，振迅騰摧。驚身

蓬集矯翅雪飛離網別赴合緒相依將與中止
若往而歸颯沓矜顧遷延遲暮逸翮後塵翺翥
先路指會規翔臨岐矩步態有遺妍貌無停趣
奔機逗節角睩分形長揚一作揚翹緩驚並翼連聲
輕迹凌亂浮影交橫眾變繁姿參差沄密煙交
霧凝若無毛質風去雨還不可談悉旣散魂而
盪目迷不知其所之忽星離而雲罷整神容而
自持仰天居之崇絕更惆悵以驚思當是時也
燕姬色沮巴童心耻巾拂兩停丸劍雙止雖邯

鄆其敢倫、豈陽阿之能擬、入衛國而乘軒、出吳
都而傾市、守馴養於千齡、結長悲於萬里、

野鵝賦

有獻野鵝於臨川王世子愍、其樊縶命爲之賦
其辭曰、

集陳之隼、以自遠而稱神、栖漢之雀、乃出幽而
見珍、此璫禽其何取、亦厠景而承仁、捨水澤之
驩、逸對鐘鼓之悲、辛豈徇利而輕命、將感受而
投身、入長羅之逼脅、悵高繳之樊縶、邈辭朋而

別偶超煙霧而風行跨日月以遙逝忽瞻國而
望城踐菲迹於瑤塗昇弱羽於丹庭瞰東西之
繡戶眺左右之金扃貌纖殺而含悴心翻越而
慙驚若墜淵而墮谷恍不知其所甯惟君囿之
珍麗實妙物之所殷翔海澤之輕鷗巢天宿之
鳴鶉鵬程材於梟猛翬薦體之雕文旣敷容以
照景亦避翮而排雲雖居物以成偶終在我以
非群望征雲而延悼顧委翼而自傷無青雀之
銜命乏赤鴈之嘉祥空穢君之園池徒慙君之

稻梁願引身而剪迹抱末志而幽藏於是流歲
遂遠慘節方崇雲纏海岱風拂崑潼飛霽馳霞
飄沙舞蓬視清池之初涸望綠林之始空立菰
蒲之寒渚託隻影而爲雙宛拔啄而掩背悲結
悵而滿胷處朝晝而雅念假外見而遷排涉修
夜之長寂信專思而知哀風梢梢而過樹月蒼
蒼而照臺冰依岸而早結霜託草而先摧歛雙
翮於水裔翹孤趾於林隈情無方而雨集事有
限而星垂在俄頃而猶悼矧窮生之所懷聞宿

世之高賢，澤無微而不均，育草木而明義愛禽，
鳥而昭仁，全殞卵而來鳳，放乳麋而感麟，雖陋
生於萬物，若沙漠之一塵，苟全軀而畢命，庶魂
報以自申。

尺蠖賦

智哉尺蠖，觀機而作，伸非向厚，屈非向薄，當靜
泉渟，遇躁風驚，起軒軀以曠跨，伏累氣而併形，
冰炭弗觸，鋒刃靡迕，逢嶮蹙，踣值夷，舒步忌好，
退之見猜，哀必進而爲蠹，每驤首以瞰途，常伫

景而翻露，故身不豫託，地無前期，動靜必觀於物，消息各隨乎時，從方而應，何慮何思，是以軍筭慕其權，國容擬其變，高賢圖之以隱淪，智士以之而藏見，笑靈蛇之久蟄，羞龍德之方戰，理害道而爲尤，事傷生而感賤，苟見義而守勇，豈專取於弦箭。

飛蛾賦

仙鼠同閭，飛蛾候明，均靈舛化，詭欲齊生，觀齊生而欲詭，各會住以憑方，凌焦煙之浮景，赴熙

燄之明光、拔身幽草下、畢命在此堂、本輕死以
邀得、雖糜爛其何傷、豈學山南之文豹、避雲霧
而巖藏、

表疏

爲柳令讓驃騎表

臣言伏承詔書加臣驃騎將軍餘如故顧循空
薄屢墜成命仰當天寵伏抱慙灼臣素陋人本
絕分望適野謝山川之志輟耕無鴻鵠之歎官
希鄉部富期農牧夙當昌朝早值恩洽天綱紛
橫皇厯歸聖佐輪不殷良馬未汗功半下列爵
超上賞奮迹騰光參駕龍服翰起雲飛拂翼虹
路雖曩之脫駕拖紫弛擔丹轂方之微臣彼安

足齒齊此而歸。懼塵王度。況遂頻煩。重彰濫越。
伏願天德曲成。資始令終。雨露之惠。自華及殞。
特屈慈獎。降申愚固。則綢繆之施。復踰造物。不
勝感躍惶駭之情。謹拜表以聞。

謝秣陵令表

臣照言。卽日被尚書召。以臣爲秣陵令。臣負鍾
下農執羈末皂。情有局塗。志無遠立。邁命逢天。
得汙官堦。不悟恩澤無窮。謬當獎試。用謝刀筆。
猥承宰職。豈是闇懦所能克任。今便抵召。違離

省闈係戀罔極。不勝下情。謹拜表以聞。

解褐謝侍郎表

臣照言臣孤門賤生。操無炯迹。鶉棲草澤。情不及官。不悟天明。廣矚騰滯。援沉觀光。幽節聞道。朝年榮多身限。思非終報。

謝解禁止表

臣言被宣令解臣禁止。天光鄭重。不可勝逢。飛走知感。矧臣人類。臣聞獲過于神。或憑尸祝。以請得罪於君。可因左右而謝。臣自惟孤賤。盜幸

榮級闇濫大誼猖狂世禮奇非阮籍無保持之
助才愧馮衍有韃轡之因自非聖朝超然覽臣
於視聽之外則今日渥澤更成妄遭來辰萎葉
終先朝草小人歲暮知能何報徒厚恩華憂懼
歎息不任下情謹詣拜表以聞

皇孫誕育上表

兼郎中令侍郎臣照言伏承東儲積慶皇孫誕
育國啓昌期民迎福運臺禁稱祉井廬相賀伏
惟聖懷載深鴻念不任下情謹詣閣上表以聞

征北世子誕育上表

臣等言臣聞本枝無疆布諸前典衆多彌貴信
之華封故德積則慶深業昌則祚廣伏承王子
以中氣正月鍾靈納和誕躬紫閣膺祚朱紱弧
矢夙陳珪璋攸覲雲光麗輝巖澤昭采嘉祥爰
孚柔顏載晬凡在氓隸莫不忭悅臣霑恩踰物
慶倍自中不勝殊歡溢喜謹奉表以聞

拜侍郎上疏

臣言臣北州衰淪身地孤賤衆善必違百行無

一。生丁昌運。自比人曹操乏端。槩業謝成迹。狙
年空往。瑣心靡述。褫轡投簪。於斯終志。束萊負
薪。期與相畢。安此定命。忝彼公朝。不悟乾羅廣
收。圓明兼覽。雕瓠飾笙。備雲和之品。潢汙流藻。
克金鼎之實。鍛羽暴鱗。復見翻躍。枯楊寒炭。遂
起烟華。未識微躬。猥能及此。未知陋生。何以爲
報。祇奉恩命。憂愧增灼。不勝感荷。屏營之情。謹
詣閣拜疏以聞。

侍郎報滿辭閣疏

臣言臣所居職限滿。今便收迹金閨。雲路從茲
自遠。鮪、鯨、沉、藏、方、絕、光、景、祇、戀、遲、迴、結、涕、濡、泗、
臣器忤窮賤。情嗜踳昧。身弱湄楚。地幽井谷。本
應守業。墾畛。剿蒞。牧雞。圉豕。以給征賦。而幼性
猖狂。因頑慕勇。釋擔受書。廢耕學文。畫虎既敗
學步無成。反拙歸跂。還陋鷲雀。日晏途遠。塊然
自喪。加以無良。根孤伎薄。既同馮衍。負困之累。
復抱相如。消渴之疾。志逐運離。事與衰合。束馬
埋輪。絕游息世。宿福餘慶。爰違聖明。煦蒸霜霰。

葶甲雲露得從下走。叨迹人行操。勤負羈。班榮
皂隸。矜愚訓短。哀有弗及。奉此而歸。足以沒齒。
雖摩肌髮。無報天德。更冀營魂。還能結草。不勝
感戀之情。謹詣闕拜疏。奉辭以聞。

轉常侍上疏

臣言。即日被中曹板轉。臣爲左常侍。臣自惟常
人。觸事無可。謬被拔擢。實爲光榮。臣旣無髣髴。
上報殊絕之恩。有分。每豐其過。前後輕重。輒得
原恕。獎以君子之方。赦其不閑。敎訓大愆。不責。

矜澤必加。是臣所以夙夜自念。知遭遇之至深至厚也。未冀未望。便荷今榮。欣喜感悅。不敢僞讓。庶保終始。身命爲初。不勝下情。謹詣閭拜疏。謝以聞。

謝隨恩被原疏

臣言卽日被曹宣命。元統內外五刑以下。浩澤盪汰。臣亦預焉。得從漢律故謬之辨。闇遭周典肆眚之科。大喜卒至。非願所圖。魚愕雞睨。且悚且慙。臣誠下愚。不達義方。然君尊臣泰。豈同犬

馬。且常侍臣淵穆。疏草卽臣所作。助人爲恭。猶加敬憶。自己率禮甯敢慢忘。繇臣悴賤。可侮可誣。曾參殺人。臣豈無過。寢病幽栖。無援朝列。身孤節卑。易成論確。幸大明臨下。仁道毓物。澤洎翺走。臣覃末慶。然古人有言。楊者易生之木也。一人植之。十人拔之。無生楊矣。何則。植之者難。拔之者易。况臣一植之功不立。衆拔之過屢至。同彼風霜。異此貞脆。書稱天秩有禮。易載神福在謙。臣之謙禮。理謝福秩。仰銜俯媿。行歎坐戚。

節欲顛沛、拜恩下庭、但臣病久柴羸、不堪冒涉、
小得趨馳、星駕登路、不勝荷佩之誠、謹上疏以
聞、

啓

論國制啓

臣啓臣聞尺之量錦工者裁之、袞丈之木繩墨在焉、事無巨細、非法不行、當今世間政睦藩國、相望君舉必書、動成准式、息躬聖壤、十有餘載、條制節文、宜其備矣、諸王列封、動靜兼該、而竊見國之處事未盡善、臣之暗蔽、私心有惜、伏見彭城國舊制、猶有數卷、雖多殊革、大綱可依、愚謂宜令掌故刊而撰之、上著朝典、藩邦之度、下

揆國訓繁簡之誼。傍酌州府寬猛之中。章程久具。永爲恒制。豈伊今美。乃足貴之。將來臣忝充直員。脫以啓聞煩而非要。伏追慙悚。謹啓。

謝上除啓

臣言被宣賜臣。上除臣伏事日淺。蒙荷已豐。天澤所及。且喜且懼。但臣自丁常桓來塗。階級非所敢冀。今日榮願。直爾不少。冒乞停止。上除。伏願重許。干穢悚息。

謝賜藥啓

臣衛躬不謹。養命無術。情淪五難。妙謝九法。風
落先傷。衰疴早及。遐澤近臨。猥委存卹。痛同山
嶽。蒙靈藥之賜。惠非河間。謬仙使之屈。恩逾脯
糗。惠重帷席。荷對銜慙。伏抱衿渥。

謝永安令解禁止啓

臣田茅下第。質非謝品。志終四民。希絕三仕。邀
世逢辰。謬及推擇。恩成曲積。榮秩兼過。雖誓投
織生。昊天罔極。迄無犬馬。孤慙星歲。加以淪節
雪颼。沉誠欵晦。值天光燭幽。神照廣察。澡豐從

宥。與物更稟。遂晞曬陽春。滌汰秋水。綴翼雲條。
葺鮮決沼。洗膽明目。抃手太平。重甄再造。含氣
孰比。不悟乾陶。彌運復垂。挺飾矯迹。升等改觀。
非服。振纓珥筆。聯承貴寵。豈臣浮朽。所可恭從。
實非愚膏。所宜循踐。瑣族易灰。脆漏已迫。空荷
載燾。終責仰復。飲冰肅事。懷火畢命。不勝屏營
之情。謹啓事以聞。

通世子自解啓

僕以常樞。無用於世。遭逢謬幸。被受恩榮。誠願

論畢久宜捐落仁眷篤終復獲淹停感今惟昔
銜佩無已但自無堪尸素累載腹心之愧寤寐
爲憂今請解所職願蒙矜許自奉清塵于茲六
祀墜辰永往遺恩在心執紙哽咽言不自宣

重與世子啓

奉還誨深承殷勤篤眷之重披讀未終悲愧交
集僕以常人所蒙隆厚久應知退非適今日銜
恩戀德用缺進心今者之請必願鑒許且僕棲
遲無事咫尺館第餐稟風微非旦則夕居職還

私。兩者無異。而於僕無用。有以自處。豈非仁念
始終之惠。重致于日。彌深慙感。

請假啓

臣啓。臣居家之治。上漏下濕。暑雨將降。有懼崩
壓。比欲完葺。私寡功力。板鋪絢塗。必須躬役。冒
欲請假三十日。伏願天恩。賜垂矜許。于啓復追。
悚息謹啓。

又

臣啓。臣所患彌留。病軀沉痾。自近蒙歸。頗更頓

處、日、夜、間、困、或、數、四、委、然、一、弊、瞻、景、待、化、加、以、
凶、衰、嬰、邁、慘、悼、終、鮮、兄、弟、仲、由、所、哀、臣、實、百、罹、
孤、苦、風、雨、天、倫、同、氣、實、惟、一、妹、存、沒、永、訣、不、獲、
計、見、封、塋、泉、壤、臨、送、私、懷、感、恨、情、痛、兼、深、臣、母、
年、老、經、離、憂、傷、服、麤、食、淡、羸、耗、增、疾、心、計、焦、迫、
進、退、罔、躋、冒、乞、申、假、百、日、伏、願、天、慈、賜、垂、矜、許、
臣、違、福、履、身、事、屯、悴、歎、息、和、景、掩、淚、春、風、執、啓、
涕、結、伏、追、惶、悚、謹、啓、

奉始興王白紵舞曲啓

侍郎臣鮑照啓被敎作白紵舞歌辭謹竭庸陋
裁爲四曲附啓上呈識方泐悵思塗猥局言旣
無雅聲未能文不足以宣贊聖旨抽拔妙實謹
遣簡餘慙隨悚盈謹啓

書

登大雷岸與妹書

吾自發寒雨、全行日少、加秋潦、浩汙山溪、猥至、
渡沂、無邊、險徑、遊厯、棧石、星飯、結荷、水宿、旅客、
貧辛、波路、壯闊、始以今日食時、僅及大雷、塗登、
千里、日踰十晨、嚴霜慘節、悲風斷肌、去親爲客、
如何、如何、向因涉頓、憑觀川陸、遨神清渚、流睇、
方曠、東顧五洲之隔、西眺九派之分、窺地門之、
絕景、望天際之孤雲、長圖大念、隱心者久矣、南、

則積山萬狀爭氣負高含霞飲景參差代雄凌
跨長隴前後相屬帶天有匝橫地無窮東則砥
原遠隰亡端靡際寒蓬夕卷古樹雲平旋風四
起思鳥羣歸靜聽無聞極視不見非則波池潛
演湖脈通連芡蒿攸積菰蘆所繁栖波之鳥水
化之蟲智吞愚彊捕小號噪驚聒紛乎其中西
則迴江永指長波天合滔滔何窮漫漫安竭創
古迄今舳艫相接思盡波濤悲滿潭壑煙歸八
表終爲野塵而是汪集長寫不測修靈浩盪知

其何故哉。西南望廬山，又特驚異。基壓江湖，峯與辰漢連接，上常積雲霞，雕錦繡，若華夕曜，巖澤氣通，傳明散綵，赫似絳天。左右青靄，表裏紫霄，從嶺而上，氣盡金光。半山以下，純爲黛色。信可以神居帝郊，鎮控湘漢者也。若深洞所積，溪壑所射，鼓怒之所虓擊，湧復之所宕滌，則上窮荻浦，下至狶洲，南薄鷺瓜，北極雷澱，削長埤短，可數百里。其中騰波觸天，高浪灌日，吞吐百川，寫泄萬壑，輕煙不流，華鼎振潛，弱草朱靡，洪漣

隴威散渙長驚電透箭疾窮溘崩聚坻飛嶺覆
回沫冠山奔濤空谷礧石爲之摧碎礧岸爲之
陂落仰視大火俯聽波聲愁魄脅息心驚慄矣
至於繁化殊育詭質怪章則有江鷺海鴨魚鮫
水虎之類豚首象鼻芒鬚針尾之族石蟹土蚌
燕箕雀蛤之儔折甲曲牙逆鱗退舌之屬掩沙
漲被草渚浴雨排風吹滂弄翮夕景欲沉曉霧
將合孤鶴寒嘯遊鴻遠吟樵蘇一歎舟子再泣
誠足悲憂不可說也風吹雷飈夜戒前路下弦

內外望達所屆寒暑難適汝專自慎夙夜戒護
勿我爲念恐欲知之聊書所覩臨塗草蹙辭意
不周

魚齋集

卷一

三

頌

河清頌

有序

臣聞善談天者必徵像於人工言古者先考績
於今鴻羲以降遐哉邈乎鏤山嶽雕篆素昭德
垂勲可謂多矣而史編唐堯之功載格于上下
樂登文王之操稱於昭于天素狐立玉華彰符
命朴牛文螭爰定祥厯魚鳥動色禾雉興讓皆
物不盈皆而美溢金石詩人於是不作頌聲爲
之而寢庸非惑歟自我皇宋之承天命也仰符

應龍之精、俯協河龜之靈、君圖帝寶、粲爛瑰英、
固以業光曩代、事華前德矣、聖上天飛、踐極迄
茲、二十有四載、道化周流、立澤汪濊、地平天成、
含生阜熙、文同軌通、表裏釐福、曜德中區、黎庶
知讓、觀英遐外、夷貊懷惠、恤勤秩禮、散露臺之
金、舒國賑民、傾鉅橋之粟、約違迫脅、奢去泰甚、
讌無留飲、畋不盤樂、物色異人、優游鯁直、顯靡
失心、幽無怨魄、精炤日月、事洞天前、故不勞仗
斧之臣、號令不嚴而自肅、無辱鳳舉之使、靈在

不召而自彰萬里神行颶塵不起農商野廬邊
城偃拆冀馬南金填委內府馴象西爵充羅外
囿綺紈纂組之饒衣覆宗國魚鹽杞梓之利傍
瞻荒遐士民殷富繁軼五陵宮宇宏麗崇冠三
川間開有盈歌吹無絕朱輪疊轍華冕重肩豈
徒世無窮人民獲休息朝呼韓罷酤鐵而已哉
是以嘉祥累仍福應尤盛青邱之狐丹穴之鳥
栖阿閣遊禁園金芝九莖木禾六秀銅池發膏
畝腴宜以謁薦郊廟和協律呂烟霏霧集不可

勝紀。然而聖上猶昧旦夙興。若有望而未至。宏
規遠圖。如有追而莫及。神明之貺。推而弗居也。
是以琬碑鏐檢。盛典蕪而不治。朝神省方。大化
抑而未許。崇文協律之士。蘊儻頌於外。坐朝陪
宴之臣。懷揄揚於內。三靈佇睠。九壤注心。既有
日矣。歲宮乾維。月躔蒼陸。長河巨濟。異源同清。
澄波萬壑。潔瀾千里。斯誠曠世偉觀。昭啓皇明
者也。語曰。影從表。瑞從德。此其效焉。宣尼稱鳳
焉。不至河不出圖。傳曰。俟河之清。人壽幾何。皆

傷不可見者也。然則古人所未見者，今殫見之矣。孟軻曰：千載一聖，是旦暮也。豈不信哉？夫四皇六帝，樹聲長世，大寶也。澤浸羣生，國富刑清，鴻德也。制禮裁樂，惇風遷俗，文教也。殊華通謁，束縵絳闕，武功也。鳴禽躍魚，滌穢河渠，至祥也。大寶鴻德，文教武功，其崇如此。幽明協贊，民祇與能，厥應如彼。唯天爲大，堯實則之。皇哉唐哉，疇與爲讓。抑又聞之：勢之所覃者淺，則美之所傳者近；道之所感者深，則慶之所流者遠。是以

豐功建命。潤色滕策。盛德形容。藻被歌頌。察之上代。則奚斯吉甫之徒。鳴玉鑾於前。視之中古。則相如王褒之屬。馳金羈於後。絕景揚光。清埃繼路。故班固稱漢成之世。奏御者千有餘篇。文章之盛。與三代同風。繇是言之。斯廼臣子舊職。國家通議。不可輟也。臣雖不敏。敢不勉乎。乃作頌曰、

窺刊崩石。掎逸殘竹。巢風寂寥。義埃綿邈。鉅生大年。瞻學淵聞。輦繡成景。粉績顓軒。徒翫井科。

未覩天河亘古通。今明鮮晦多千齡。一見書史
登歌旋我皇。駕揆景方塗。凌周躡殷。蹶唐轢虞。
如彼七緯。累壁重珠。高祖撥亂。首物定靈。更開
天地。再鑄羣生。帝御三傑。龍步八垠。朔南暨教。
海北騰聲。淪深格高。浹遐洞冥。龜鼎遷宋。立圭
告成。大明方微。鴻光中微。聖命誰堪。皇厯攸歸。
謀從筮協。神與民推。黃旗西映。紫蓋東輝。納瑞
螭玉。升政衡機。金輪約飾。珠冕龍衣。正位北辰。
垂拱南面。天下何思。日用罔倦。復禮歸仁。觀恒

通變一物有違戚言毀膳非躬簡法厚下安宅
謙德彌光損道滋益孝崇饗祀勤隆耕籍饘耐
秋羊封堦春酪嬰耄兼梁鰥孤重帛體由學染
俗以教遷禮導刑清樂鬯風宣分衢讓齒折訟
推田野旌伏彥朝賞登賢儒訓優柔武節焱鷺
文憲精弘戎容犀利樞鈐明審程護周備吏礪
平端民羞幸覬桴鼓凝埃烽驛垂轡銷我長劍
歸爲農器閩外水鄉鄣表炎國隴首西南渤尾
東北艷艷嶺丹渾渾泉黑移琛雲勉轉集叩焚

狼歌薦功、鳥譚陳德、治博化光、民阜財盛、班白
行謠、清綺高詠、雲表幽和、物章明慶、麗植雕質、
蠢行藻性、仁草晨葇、德宿宵映、海無隱颺、山有
黃落、牛羊內首、閭戶外拓、瑞木朋生、祥禽輩作、
薰風蕩閨、飴露流閣、器範神妙、劑調象藥、匪直
也斯、偉慶方濤、注彼四瀆、媚此雙川、伏靈遙紀、
闕貺遐年、澄波海嶽、鏡流蕊山、泉室凝澌、水府
清涓、俛瞰夷都、降眡驪洲、朱宮潛耀、紫閣陰鱗、
昔在爽德、王風不昌、迺溢迺竭、或壅或亡、潔源

濫竽曾是未央先民永慨大道悠長云何其瑞
實鍾我皇聞諸師說天竦聽密介焉如響匪遠
惟疾矧是皇心妙夫貞一左右天經戶牖人術
許暮布簡絲言盈室穢有綿祀清豈崇日一人
之慶吹萬稟和靈根方固修源重波副睿貳哲
帝體皇柯景雲蔚嶽秀星駢羅垂光九野騰響
四遐輔車鼎足槃石虎牙世匹周室基永漢家
泰階既平洪河既清大人在上區宇文明樵夫
識道漁父濯纓臣照作頌鋪德樹聲

佛影頌

形生麗怪、神照潭寂、驗幽以明、考心者迹、六塵
煩苦、五道綿劇、乃炳舟梁、爰悟淪溺、色丹貌纈、
留相瓊石、金光繩見、玉毫遺覲、俾昏作朗、効順
去逆、

銘

凌煙樓銘

有序

臣聞憑飈薦響。唱微効長。垂波鑒景。功少致深。
是以冰臺築乎魏邑。鳳閣起於漢京。皆所以贊
生通志。感悅幽情者也。伏見所製凌煙樓。棲置
崇迥。延瞰平寂。卽秀神皋。因基地勢。東臨吳甸。
西眺楚關。奔江永寫鱗嶺。相葺重樹。窮天通原。
盡日悲積。陳古賞絕。舊年誠可以暉曠高明。藻
澈遠心矣。夫識緣感傾。事待言彰。匪言匪述。綿

世罔傳。敢作銘曰。

巖巖崇樓。藐藐層隅。階基天削。戶牖雲區。瞰江
列楹。望景延除。積清風路。合綵煙塗。俯窺淮海。
俛眺荆吳。我王結駕。藻思神居。宜此萬春。修靈
所扶。

飛白書勢銘

秋毫精勁。霜素凝鮮。霑此瑤波。染彼松煙。超工
八法。盡奇六文。鳥企龍躍。珠解泉分。輕如游霧。
重似崩雲。絕鋒劍摧。驚勢箭飛。差也驚起。振孔

鴻歸臨危制節中險騰機圭角星芒明麗爛逸
絲縈髮垂平理端密盈尺錦兩片字金溢故仙
芝煩弱旣匪足雙蟲虎瑣碎又安能匹君子品
之是晁神筆

藥奩銘

歲賁走丸生猷隕墻時無驟得年有遐方水玉
出煙靈飛生光龜文電衣龍絲雲裳九芝八石
延正盪斜二脂六體振衰返華毛姬餌葉鳳子
藏花景絕翠虬氣隱頰霞深神罕別妙奇不揚

或繁虎杖。或亂蛇牀。故不世不可以服。未達不可以嘗。眩睛逆目。是乃爲良。

石帆銘

應風剖流。息石橫波。下溲地軸。上獵星羅。吐湘引漢。歛蠡吞沲。西厯岷冢。北瀉淮河。耿森弘藹。積廣連深。淪天測際。亘海窮陰。雲旌未起。風柯不吟。崩濤山墜。鬱浪雷沉。在昔鴻荒。刊啓源陸。表裏民邦。經緯鳥服。瞻貞視晦。坎水巽木。乃剡乃鏟。旣剡旣斲。飛深浮遠。巢潭館谷。步川之利。

謂易則難、臨淵之戒、曰危乃安、泊潛輕濟、冥表
勤言、穆戎遂留、昭御不還、徒悲猿鶴、空駕滄煙、
君子彼想、祇心載惕、林簡松栢、水採龍鷁、覘氣
涉潮、投祭沈璧、揆檢含圖、命辰定厯、二嶠虎口、
周王夙趨、九折羊腸、漢臣電驅、潛鱗浮翼、爭景
乘虛、衡石頽鯨、帝子察殂、青山斷河、后父沉軀、
川吏掌津、敢告訪途

[illegible]

瓜步山揭文

歲舍龍、紀月巡鳥、張鮑子、辭吳客楚、指充歸揚、
道出關津、升高問途、北眺氍鄉、南曬炎國、分風
代川、揆氣閩澤、四睨天宮、窮曜星絡、東窺海門、
候景落日、游精八表、駛視四遐、超然永念、意類
交橫、信哉、古人有數寸之簫、持千鈞之關、非有
其才施、處勢要也。瓜步山者、亦江中眇小山也。
徒以因迥爲高、據絕作雄、而凌清瞰遠、擅奇含
秀、是亦居勢使之然也。故才之多少、不如勢之

多少遠矣。仰望窮垂。俯視地域。涕洟江河。瘧贅
邱嶽。雖奮風漂石。驚電剖山。地綸維陷。川闢毀
宮。毫盈髮虛。曾未注言。況乎沉河浮海之高。遺
金堆壁之奇。四遷八聘之策。三黜五逐之疵。販
交買名之薄。吮癰舐痔之卑。安足議其是非。

